



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 3. Quas ob causas, & qualiter, fieri possint uniones beneficiorum?

[urn:nbn:de:hbz:466:1-73045](#)

te, modò per hoc juri Episcopi nihil derogetur. Nec obstat, quod non habeat potestatem conferendi beneficia. 1. quia beneficium etiam non vacans uniri potest. Clemens 2. de reb. Eccles. non alien. ibi: ex eo, quod Rector ipsius ad hoc vocatus, aut defensor ei datus non extitit, nequaquam id poterit impugnari. 2. quia collatio est voluntatis; unio, necessitatis, adeoque non est idem utriusque jus: non tamen debet sibi beneficia unire; quia diceret jus in propria causa, & authoritatem præberet in proprio facto, contra Clement. si una. de reb. Eccles. non alien. ibi: quod si Episcopus (sui etiam Capituli accedente consensu) mensa sua, vel ipse Capitulo aliquam duxerit Ecclesiam uiendam, hoc irritum esse decernimus, & mane, contraria quavis consuetudine non obstante.

Archiepiscopus potest unire beneficia suæ Dicæcis, sicut Episcopus; non autem in Dicæcis suorum suffraganorum; quia in his, extra casus in jure expressos, non habet jus, constat ex cit. c. sicut. de excessib. Prælat. ibi: non obstante assensu, vel confirmatione, quam Metropolitanus interposuisse proponitur; Cum in Dicæsi sui suffraganei, ab ipso assensu, non debeant aliquid contra Constitutiones Canonicas attentare, nos quoque id decernimus irritandum.

Legatus à latere potest unire beneficia suæ Provinciæ, quæ vel conferre potest, vel devoluta sunt ad Papam: Abbas in cit. c. sicut. num. 5. etiam sine consensu Episcopi, in hac potestate concurrentis, esto per talem unionem aliis Episcopi juribus (visitandi, corrigendi &c.) non præjudicetur: Alii verò Legati non à latere, hoc non possunt; ita Sanchez citat. num. 158. sed de his V. dicta lib. I. tit. 30. de offic. Legati. Ceteri Prælati Episcopo inferiores, esto habeant conferendi; non tamen habent jus uniendo beneficia sibi subjecta, idque spectato jure communi; nam alter habere possunt, puta privilegio, præscriptione legitimâ, quadragenaria cum titulo, vel immemoriali sine titulo; item

si habeant jurisdictionem quasi Episcopalem in tales Ecclesiæ; ut deducitur ex c. sicut. 8. de excessib. Prælatorum ibi: Cum itaq. Prior Graden: Monasterium sum, quod est in tua Dicæsi, & de tuo debet ordinari consensu, Monasterio de Accato (tuo assensu minimè requisito) subjeccerit, sive unierit; quod fecit te inconsulto, tibi liceat, auctoritate nostrâ (sicut iustum fuerit) infirmare; non obstante assensu, vel confirmatione, quam Metropolitanus interposuisse proponitur; Cum in Dicæsi sui suffraganei (ab ipso assensu) non debeant aliquid, contra Constitutiones Canonicas, attentare; nos quoque id decernimus irritandum.

§. 3.

Quas ob causas, & qualiter, fieri possint uniones beneficiorum?

Quoad I. partem, u. ex c. Expo. 948 suis. 33. de præbend. in 6. ubi Honorius III. Episcopo Vesprimensi conquerenter, quod suæ Ecclesiæ Canonici de redditibus suarum præbendarum nequeant sustentari, rescripsit: Si evidens necessitas, vel utilitas exigut, præbendas Ecclesia tua poteris de Capellis in perpetuum annuetendis eisdem (sicut discretione prævia expedire videris) augmentare, reservatâ congruâ Capellarum Presbyteris portione. Necessitas continet, si præbenda, cui facienda est unio, careat sufficientibus redditibus ad alendum Ministrum: Utilitas, si ob tenuitatem fructuum non inveniantur idonei Ministri, qui Ecclesiæ deserviant: alii tertiam causam esse volunt, si per hoc augeatur cultus divinus; deducentes hoc à sensu contrario, c. Ex parte, 12. de Constitut. ubi dicitur, quod Canonici Eduenses propriis comodis inhantes, præbendarum numerum ab antiquo in Ecclesia Eduensi statutum (sicè non sint ejus diminuti redditus) retrinxerunt; quo intellecto Honorius III. nolentes, inquit, Divini Numinis minni cultura, sed potius augmentari, mandamus, quatenus antiquum numerum facientes auctoritate nostrâ servari, præbendas, quas à tempore ultimi statuti invenieritis vacasse in Ecclesia memorata (quæ obstante aliquâ constitutione super hoc à Canonicis ipsis factâ, vel confirmatione

tione à nobis ab eisdem obtentâ) personis idoneis, cum consilio Episcopi, conferatis. Ubi appetet, quod diminutionem præbendarum, per coadunationem ad alias, solum reprobaverit Pontifex, quod citra causam, & cum diminutione divini cultus, restrictus fuerit numerus præbendarum; ergo non ubi ex justa causa fit, & Dei cultus ex hoc promovetur; sed an revera hic finis quandoque in ejusmodi unionibus intendatur? D E U S novit, qui non fallitur, nec falli potest. Nec obstat Tridentinum Sess. 14. de reform. c. 9. dicens: Non esse facienda ejusmodi uniones, etiam ratione argendi cultum divinum, aut numerum Beneficiatorum, aut alia quacunque de causa; nam decretum illud solum loquitur de unione unius beneficii ad Ecclesiam alterius Diaecesis; verba Concili sunt: quia jure optimo distincte fuerunt Diaeceses, & Parochie, ac unicuique gregi proprii attributi Pastores, & inferiorum Ecclesiarum Rectores, qui suarum quisque ovium curam habent, ut ordo Ecclesiasticus non confundatur, aut una, & eadem Ecclesia duarum quodam modo Diaecsum fiat, non sine gravi eorum incommodo, qui illi subditi fuerint, beneficia unius Diaecesis, etiam, si Parochiales Ecclesia, Vicaria perpetua, aut simplicia beneficia, seu praestimonia, aut praefimoniale portiones fuerint, etiam ratione argendi cultum divinum, aut numerum Beneficiatorum, aut alia quacunque de causa, alterius Diaecsis beneficio, aut Monasterio, seu Collegio, vel loco, etiam pio, perpetuo non uniantur, decretum hujus sanctæ Synodi super hujusmodi unionibus in hoc declarando. Quarè, nisi causa unionis directè respiciat DEI cultum maiorem, necessitatem, vel utilitatem Ecclesie evidentem, non licet Praelatis Papæ inferioribus beneficiorum unio; unde Pirhing h. t. num. 209. S. porrò &c. ad hoc non sufficere meram prærogativam meritorum personæ.

949 Ad alteram tituli partem &c. ut unio licet, valideque fiat, Prælatum, qui eam facit, debere præmittere cognitionem cause, ac eos vocare, in quorum notabilis præjudicium talis

unio cedit, audireque, si quæ sint, quæ contra unionem opponant. & consensum eorum requirere; ita Sanchez l. 7. moral. cap. 29. à num. 169. & alii; ad faciendam porrò unionem non necessarij vocandus est Rector Ecclesie alteri unijndæ, si primò post ejus mortem fortitura sit effectum; quia sic ei nullum fit præjudicium; ita Sanchez cit. num. 171. & quoniam plebs præsumitur plus studere suo, quam Ecclesiarum commodo, vocanda non est, nisi justam causam habeat se opponendi; sed nec ex necessitate vocandus est Defensor, seu Advocatus Ecclesie, si unio facienda sit tempore Ecclesia vacantis, per Clement. II. de reb. Eccles. non alienand. juncta Closs. V. vocatus; quia tunc nullum ei fit præjudicium; cum Advocatus ne quidem præsentationem, vel nominationem habeat Clerici beneficio vacanti præficiendi; sic Barbos. in Trident. Sess. 7. de reform. cap. 6. num. 23. sed nec vocandus est, si fiat unio beneficij non vacantis; hæc enim unio effectum non fortitur, donec beneficium vacaverit, vel per mortem beneficiati, vel aliâ viâ; Sanchez cit. n. 171.

Si Episcopus facit unionem, fieri 950 debet cum consensu Capituli, ex c. Pastorali, de Donat. & Clement. si una, de reb. Eccles. non alienand. si injuste nollet consensum dare, per Episcopum compelli potest; & in casu resistentiae, sine consensu ejus ad unione procedi. Sanchez num. 164. Sufficit autem si consensus unioni factæ accedat, seu illam subsequatur; collig. ex c. Cùm nos. de his, quæ fiunt à Praelato, & c. jure, de jure Patronat; sed Castropalaus cit. D. 6. p. 12. §. 2. n. 26. requirit consensum Capituli debere adesse tempore unionis, nec sufficere, quod sequatur; quia requiritur ad substantiam unionis, & requiritur in favorem Ecclesie, ne uniones fiant temere; non autem in favorem Capituli, de quo procedunt jura citata; non autem est necesse, quod unionem, quam facit Episcopus, præcedat solennis tractatus, seu deliberatio cum Capitulo; cum non habeat rationem veræ & propriæ alienationis; in casu autem unionis faciendæ, valor bene-

beneficii uniendi, & ejus, cui unitur, ex-
primendus est, si unio peratur à Papa,
vel ejus Legato; non autem, si ab or-
dinatio; hic enim præsumitur nosse va-
lorem suorum beneficiorum; Secùs, illi.
Reg. Cancell. 21. alias 22. de unioni-
bus; & hæc dicta sunt spectato jure
communi.

§. 4

*Quæ circa beneficiorum unionem statuerit
Tridentinum?*

951 **P**rimo loco extat Decretum in di-
cto Concilio Sess. 7. c. 4. ubi statu-
tum est, ut quicunque de cætero plu-
ra beneficia Ecclesiastica incompatibilia,
per viam unionis, ad vitam recipere,
aut retinere præsumpsit, ipsis priva-
tus existat, juxta Constitut. in c. de
multa. De præbend. hoc tamen decre-
to nihil agitur de prohibitione unio-
num; sed tantum de incompatibilitate
beneficiorum *unitorum*. Deinde ea-
dem Sess. c. 6. declarat, quæ beneficio-
rum uniones perpetuæ, debeant irritare
declarari post examen factum ab Ordinario,
tanquam Sedis Apostolicæ de-
legato. Loquitur autem de iis, quæ fa-
ctæ sunt 40. annis citrā à publicatione
Concilii numerandis, & non sunt sortita
effectum; si factæ sunt subreptitiae. Hoc
Decretum non habet locum, si unio
sortita fuit effectum saltem ex parte.
Dicitur autem tunc sortita effectum,
quando vigore unionis fuit capta pos-
sessio, Barbosa *in cit. loc. Trid. à n. 9.*

952 **T**ertiò statuit Sess. 14. de Reform.
cap. 9. ne beneficia, tam simplicia, quam
etiam curata, Vicariæ perpetuæ, seu
præstimonia, aut præstimoniales por-
tiones unius Dicecelis ex quacunque
causa etiam augendi cultus divini, vel
nameri Beneficiatorum, perpetuo uni-
antur alterius Dicecelis beneficio, Mo-
nasterio, seu Collegio, aut loco etiam
prio. Et per hoc correctum est jus anti-
quum aut oppositum erat licitum de
consensu illius Episcopi.

953 **Q**uarto Sessione 21. cap. 5. quod
Episcopus, propter Ecclesiarum pau-
pertatem, & in cæteris casibus à jure
permisis possit facere uniones perpe-
tuas quacumque Ecclesiarum Paro-

chialium, & aliorum beneficiorum etiam
non curatorum, cum curatis, sed juxta
formam juris, etiamsi generaliter, vel
specialiter reservata, aut qualitercumq;
affecta; & hoc potest etiam ut delega-
tus Sedis Apostolicæ. Deinde Sels. 23.
cap. 18. conceditur Episcopis, ut cum
consilio duorum de Capitulo, quorum
unus ab Episcopo, alter à Capitulo eli-
gatur, & de Consilio duorum de Clero
civitatis, pariter eligendorum ut ante,
seminario puerorum unire possint qua-
cunque beneficia, etiam Regularia,
etiam juris Patronatæ cujuscunq;
etiam exempta, etiam nullius Dicece-
sis, etiam annexa aliis Ecclesias, Monas-
teriis, Hospitalibus, & locis piis.

Sed circa hoc Decretum Not. 1. 954
unionem factam seminatio absque dicto
consilio, non valere, resolvi à Fran-
cisico Leone apud Barbos. in citat. loco
Trident. n. 10. Unio autem hæc fieri
non debet seminario, pro quo nondum
est præparatio domus saltem conductæ,
vel emptæ, & puerorum inductio, ut
decidit Rota apud Barbos. cit. n. 11. vel
saltem nisi muri ejus sint incepti, licet
non absoluti.

Not. 2. ab hac contributione ne-
minem eorum, qui habent beneficia in
tali Diceceli, exemptum esse; Barbosa
cit. num. 16. nec Episcopum, nec Capitu-
lum, ut liquet ex textu cit. Decreti;
nec hospitalia, quæ habent, annexum
beneficium, & dantur in titulum, vel
administrationem; nec beneficiatos be-
neficiorum collationis Monachorum;
nec monasteria non mendicantium;
nec Ecclesias Seculares, quæ non sunt
de mensa Monasteriorum, licet eorum
institutio, vel collatio ad Monachos
spectet, nec mendicantes quoad bene-
ficia ipsis annexa; nec monasteria,
quæ habent aliquid superfluum ultra id,
quod seminaris sui ordinis contribu-
unt; nec moniales si habeant beneficia
unita.

Not. 3. ab hac contributione ex-
emptos esse i. Abbatem, qui in suo ter-
ritorio, & jurisdictione prius semina-
rium erexit, & retinet habentes distri-
butiones quotidianas à præbendis dī-
stin-